

古今醫鑑


十二

卷 二十


胎前 產育 產後

一	二	六	一	〇	漢書門
一	二	〇	一	〇	類
一	六	二	〇	〇	冊架函號類

庫文閣内	
函	三三六〇
冊	一六〇
架	九二〇
號	〇
内閣文庫	
番號	漢 12610
冊數	16 ( 12 )
函號	301 107







王宇泰先生訂補古今醫鑑卷之十二

金谿 龔 信 纂輯

子廷賢 續編

金壇 王肯堂 訂補



娠

論巢氏病源曰娠一月名胎胚足厥陰脉養之二月

三月名始胎手心主脉

養之當此之時血不流行形象始化未有定儀因

感而變欲子端正莊嚴常口談正言身行正事欲

生男宜佩弦執弓矢欲生女宜佩韋施環珮欲子



古今醫鑑  
美好宜佩白玉欲子賢能宜看詩書是謂外象而  
內感者也四月始受水精以成其血脉手少陽脉  
養之五月始受火精以成其氣足太陰脉養之六  
月始受金精以成其筋足陽明脉養之七月始受  
木精以成其骨手太陰脉養之八月始受土精以  
成膚革手陽明脉養之九月始受石精以成毛髮  
足少陰脉養之十月五臟六腑關節人神皆備此  
其大畧也且四時之令必始於春木故十二經之  
養始於肝所以養胎在一月二月手心包絡  
脉也手少陽三焦脉也屬火而夏旺所以養胎在

五月六月手太陰肺脉也手陽明大腸脉也屬金  
而旺秋所以養胎在七月八月足少陰腎脉也屬  
水而旺冬所以養胎在九月又况母之腎臟繫於  
胞是母之真氣子之所賴也至十月兒於母腹之  
中受足諸臟氣脉所養然後待時而生此論奧微  
而有至理世更有明之者亦未過於巢氏之論矣  
馬益卿曰胎教產圖之書不可謂之迂而不加信然  
亦不可狎犯之方今俚俗之家與不正之屬將息  
避忌略不如儀或藥毒不消或產於風露無產厄  
而子母均安者亦倖有之若保胎之法須多方預



養庶無後患如鄰家有所興修亦或犯其胎氣令兒破形殞命如刀犯者形必傷泥犯者竅必塞打擊者色青黯繫縛者相拘攣如此等驗有如指掌不可不慎也

胎化之法有所謂轉女為男者亦皆理之自然食牡雞取陽精之全於天產者帶雄黃取陽精之全於地產者千金方轉女為男丹參丸用東門上雄雞雄雞補虛溫中通神殺毒其肝補腎其冠血益陽雄黃人佩之鬼神不能近毒物不能傷操子矢藉斧斤取剛物之見於人事者氣類潛通造化密移必於三月兆形之先蓋方儀則未具陽可以

勝陰變女為男理固然也

若婦人懷娠未滿三月男女未定形象未成故藥餌方術可以轉令生男者理或有之其法以芥置姪娠床下繫刃向下勿令人知恐不信試令雞抱卵時依此置窠下一窠盡出雄者又自初覺有娠取弓弩絃縛婦人腰下滿百日去之此紫宮玉女秘法也

人具天地之性集萬物之靈陰陽平均氣質完備咸其自爾然而奇耦異數有愆有耗剛柔異用或強或羸血榮氣衛不能逃於消息盈虛之理則稟質



之初詎可シ一槩論耶是以附贅垂疣駢拇枝指侏  
 儒跛蹙形氣所賦有如此者瘡瘍癰腫聾盲瘖啞  
 瘦瘠疲瘵氣形之病有如此者然則胚胎造化之  
 始精移氣變之後保衛輔翼固有道矣天有五氣  
 各有所湊地有五味各有所入所湊有節適所入  
 有度量凡所畏忌悉知戒慎資物為養者理固然  
 也故寢興以時出處以節可以高明可以周密使  
 霧露風邪不得投間而入因時為養者理宜然也  
 故必調喜怒寡嗜慾作勞不妄而氣血從之皆所  
 以保攝姪娠使諸邪不得干焉苟為不然方授受

之時一失調養則內不足以為中之守外不足以  
 為身之強氣形弗克而疾疚因之若食免缺唇食  
 天無聲食雜魚而生瘡癬之屬皆以食物不戒之  
 過也心氣大驚而癩疾腎氣不足而解顛脾胃不  
 和而羸瘦心氣虛乏而神不足皆由氣血不調之  
 故也誠能推而達之使邪氣無所乘茲乃生育相  
 待而成者故曰天不因人不因

脉經云陰搏陽別謂之有子搏者近也陰脉逼近於  
 下陽脉別出於上陰中見陽乃知陽施陰化法當  
 有子又少陰脉動甚者姪子也手少陰屬心足少



陰屬腎，心主血，腎主精，精血交會，投識於其間，則有娠。王氏曰：太衝盛而氣虛者，乳子法也。尺中之脈按之不絕者，法妊娠也。難經曰：腎有兩枚，左為腎，右為命門。命門者，男子以藏精，女子以繫胞。若三部脈浮沉正等，按之無絕者，為有妊。初持寸脈，微小呼吸五至，三月而尺數也。脈滑疾以手按之，散者胞已三月也。脈重手按之不散，但疾不滑者，五月也。婦人妊娠四月，欲知男女，法左疾為男，右疾為女，俱疾為生一子。又法得太陰脈為男，太陽脈為女，太陰脈沉，太陽脈浮，又法左手沉實為男。

右手浮大為女，左右手俱沉實，猥生一男。左右手俱浮大，猥生一女。又法尺脈左邊大為男，右邊大為女。左右俱大，產一子。大者如實狀，又法左右俱浮大，產一男。不爾則女作男生，左右俱沉，產一女子。不爾則男作女生。又法遣妊婦面南，行復呼之，左迴首者是男，右迴首者是女。又法看上圍時，夫從後呼之，左迴首者是男，右迴首者是女。又婦人妊娠，其左乳房有核是男，右乳房有核是女。婦懷離經，其脈浮大而腹痛，引腰脊為即欲生也。但離經即腹痛也。又法欲生者，其脈離經，夜半覺日中則生也。



方驗胎散

經脉不行已經三月者更看尺脉不

川芎為末每服一錢空心艾葉煎湯調下覺腹內微動則有胎也如服後一日不動非胎必是經滯

○艾醋湯 如過月難明有無如月數未足難明

好醋炆艾服半盞後腹中番大痛是有孕不為痛定無

○妊娠惡阻病產寶謂之子病巢氏病源謂之惡阻謂婦人有孕惡心阻其飲食也由胃氣怯弱中脘停痰脉息和順但肢體沉重頭眩擇食惟嗜酸醎

甚者寒熱嘔吐胸膈煩滿肥人多痰瘦人多火須

用二陳湯為主

○保生湯 治婦人經候不行身無病似病脉滑大

而六脉俱勻乃是孕脉也精神如故惡聞食氣

或但食一物或大吐清水此名惡阻切勿作寒

病治之

人參 半錢 白朮 二錢 陳皮 香附

烏藥 各五錢 甘草 半錢 ○覺惡心嘔吐加丁香

右剉作二劑生薑三片煎服

○復元湯 治妊娠嘔吐不止或頭痛全不思食左



脉弱諸藥不効用以理血歸原

當歸 川芎 白芍 人參 各五錢

白朮 茯苓 陳皮 半夏 薑湯泡 各一兩半

桔梗 枳殼 丁香 甘草 各二錢半 三錢 五錢

右剉作十劑薑棗煎服

○妊娠三兩箇月內嘔吐惡心不納米食用

四物湯加陳皮半夏藿香砂仁白朮神麩麥芽

陳倉米生薑煎服

○妊娠子煩謂煩躁而悶亂心神也蓋四月受少陰

君火以養精六月受少陽相火以養氣若母心驚

膽寒多有是證產寶云是心肺虛熱或痰積於胸

若三月而煩者但熱而已若痰飲而煩者吐涎惡

食大凡停痰積飲寒熱相搏吐甚則胎動不安

○竹葉湯

防風 去蘆 黃芩 麥門冬 泡去心 各一錢

白茯苓 竹葉 十片 水煎食後溫服

○妊娠子癇謂痰涎潮搐目弔口噤也用

○羚羊角散 治妊娠中風頭項強直經脉拘急語

言蹇澀痰涎不利或時發搐不省人事名曰子

癇風



當歸

川芎

防風

獨活

扶神

五加皮

杏仁

薏苡仁

酸棗仁

炒木香

羚羊角

甘草

右剉生薑五片水煎不拘時服

○子懸謂妊娠心胃脹滿也

○紫蘇和氣飲

治婦人胎氣不和

湊上心腹脹滿

○疼痛或臨產驚恐氣結連日不下及胎前一切

諸疾

當歸

川芎

白芍

人參

紫蘇梗

陳皮

大腹皮

甘草

右剉生薑三片葱白七根水煎服○腹痛加香

附木香○咳嗽加枳殼桑白皮○熱加黃芩○

嘔吐加砂仁○泄瀉加白朮茯苓○難產加枳

殼香附車前子

○子腫者謂妊娠面目虛浮肢體腫滿也

○茯苓湯治妊娠七八箇月前後面目四肢浮腫

當歸 川芎 白芍藥 熟地黃

○天麻白朮 土炒 茯苓 澤瀉 子實黃芩

○厚朴 薑汁 麥門冬 去心

○右剉一劑水煎服



○子氣者謂妊娠兩足浮腫也。因脾衰不能制水血化成水所致。

○天僊藤散 治妊娠三月成胎之後兩足自脚面漸腫至膝行步艱難喘悶妨食狀似水腫生於

○赤脚趾間黃水出者名曰子氣。治法用天僊藤即青木香藤洗炒紫蘇陳皮

香附烏藥木香甘草右剉生薑煎服。

○子淋謂妊娠小便澀少也。乃腎與膀胱虛熱不能制水然妊婦胞繫於腎腎間虛熱而成斯證其者

心煩悶亂用

○子淋散 治妊娠小便澀痛頻數。

○麥門冬去心赤茯苓大腹皮薑汁洗去沙土淡竹葉右剉水煎服

○車前散 治小便淋瀝或不通下焦有熱者。

當歸 陳皮 赤芍藥 檳榔 滑石 木通 車前子 赤茯苓

○石葦炙去毛右剉水煎服。

○轉胞謂妊娠卒不得小便也。因胞長逼近於胞胞為所逼令人數溲胞即膀胱也。然子淋與轉胞相



類但小便頻數點滴而痛為子淋頻數出少不痛為轉胞間有微痛終是與淋不同並宜五苓散加阿膠

○冬葵子散

治孕婦轉胞小便不通

木通

梔子炒

冬葵子

滑石

各五錢

○車右剉作下劑水下鍾半煎至下鍾空心溫服

此藥滑胎臨月可用若六七箇月已前不可用

○又方冬葵子滑石梔子為末田螺肉搗膏或生

葱汁調膏貼臍中立通

○妊娠經水時下此由衝任氣虛不能約制蓋心小

腸二經相為表裏上為乳汁下為月水故妊娠經水壅之以養胎蓄之以為乳若經水時下名曰胞漏血盡則斃矣屬氣血虛有熱

○膠艾四物湯

當歸

川芎

白芍

酒炒

熟地黃

薑汁炒

條芩

酒炒

白朮

土炒

艾葉

少許

真阿膠

蛤粉炒

砂仁

炒

香附

童便炒

黑

○右剉下劑用粳米同煎服

○芎歸湯

劉敏菴傳

治胎漏下血不止或心腹脹滿

下服立効

行今醫金

卷之十二

一



一當歸尾

南川芎 各五錢

○右剉一劑黃酒煎臨臥服入葷便一盞即止

○妊娠胎動或飲食起居或衝在風寒或跌仆擊觸或怒傷肝火或脾氣虛弱當推其因而治之若因母病而胎動但治其母若因胎動而母病惟當安其胎輕者轉動不安重者必致傷墜若面赤舌青是兒死也面青舌赤吐沫是母死也唇口俱青兩邊沫出是子母俱死也察而治之

○佛手散 治妊娠六七箇月因事築磕着胎或子

死腹中惡露下痛不已口噤欲絕用此探之若

不損則痛止子母俱安若胎損即便逐下

當歸二錢 川芎四錢 加益母草五錢

○右剉一劑水一盞入酒一盞再煎一沸溫服如

人行五里再進一服

○安胎散 治妊婦偶有所傷腹痛不安或從高墜

下重傷所壓觸動胎无痛不可忍及下血又治

胃虛氣逆嘔吐心腹諸痛未抵妊娠不可缺此

縮砂不拘多少為末每服三錢熱酒調服艾

鹽湯皆可此藥非八九箇月內不宜用多

○安胎飲 治孕成之後覺氣不安或腹微痛或腰



○間作疼或飲食不美或胎動下血及五六箇月常服數貼甚効

當歸 一錢 川芎 八分 白芍 一錢 熟地黄 一錢

條芩 一錢 白朮 二錢 砂仁 一錢 陳皮 一錢

紫蘇 八分 甘草 四分

○右到一劑水煎服○下血不止加炒蒲黃 一錢

阿膠 一錢 ○腹痛加香附 一錢 枳殼 一錢

○千金保胎丸 京師傳 凡女人受胎經三月而墜者

雖氣血不足乃中衝脉有傷中衝即陽明胃脉

供應胎孕至此時必須謹節飲食絕嗜慾戒惱

○怒度免小產之患也服此可保全

歸身 二兩 南芎 一兩 熟地 二兩 阿膠 二兩

香附 各浸三日 艾葉 一兩 砂仁 一錢

陳皮 二兩 條芩 二兩 白朮 四兩 川續斷 二兩

杜仲 四兩 益母草 二兩 紅棗 皮林

○右為末棗肉為丸梧桐子大每服百丸空心米

○散湯送下

○妊娠心痛乍安乍甚者可服

○白朮散 定痛安胎

川芎 一錢 歸身 八分 白朮 五錢 白芍 八分



竹茹 五分 紫蘇 一錢 前胡 八分 木香 五分

○白木烏藥 八分 香附 一錢 便製陳皮 八分 甘草 四分

○右剉水煎食遠服○如兼腹痛加砂仁澤瀉

○妊娠中惡忽然心腹刺痛悶絕欲死可服

○加減當歸散

川芎 當歸 陳皮 吳茱萸

木香 香附 烏藥 甘草

前胡 葱白 砂仁 紫蘇

右剉一劑生薑五片煎服

○妊娠腰腹皆痛者可服

○加減通氣散

當歸身 葱白 阿膠 茴香

破故帛 杜仲 甘草 陳皮

川續斷 山藥 川芎 草薢

獨活 香附 橘核 白芍

○右剉水煎空心服○如小腹痛加艾木香烏藥

○紫蘇去橘核山藥茴香續斷草薢獨活破故帛

○妊娠心腹脹滿者可服

○加減倉公下氣湯

白芍 陳皮 茯苓 大腹皮



川芎

當歸

香附

紫蘇梗

○抵於前胡不厚朴

烏藥

木香

○抵右劉劑空心服

○妊娠數墮胎者是氣血不足腰痛甚者喜墮胎宜

○加減安胎飲空心服

黃耆

甘草

人參

白朮

艾葉

當歸

川芎

熟地

續斷

茯苓

白芍

香附

陳皮

杜仲

茴香

○右劉水煎空心服

○妊婦羸瘦或挾病氣血枯竭既不能養胎必不能

安者可下之

○加減牛膝湯

○抵桂心

瓜蒌

牛膝

瞿麥

○抵川芎

歸梢

枳殼

甘草

童便

麥蘖

甘草

右劉水煎空心服

○妊娠日月未足而痛如欲產者因勞役怒氣調養

不節或房室所傷或負重閉胎或因宿有冷氣故



○加減安胎飲

知母 杜仲 木香 續斷

香附 陳皮 烏藥 紫蘇

白芍 川芎 當歸 白朮

酒芩 ○見血加地榆牡蠣艾葉

○妊娠咳嗽因感風寒傷於肺而成謂之子嗽可服

○加減紫苑湯 止嗽安胎

貝母 前胡 紫苑 白朮

桑皮 甘草 黃芩 紫蘇

陳皮 五味 知母 杏仁

赤茯苓 當歸 麻黃

喘加羌活 腹皮款冬花

○妊娠傷寒頭疼壯熱腰痛體重甚則墮胎可服

○加減柴胡湯

柴胡 黃芩 川芎 乾葛

當歸 紫蘇 葱白 陳皮

○妊娠時疫日久傷胎可急服

○加減秦艽散

秦艽 前胡 黃芩 枳殼

桔梗 山梔 柴胡 葛根



紫蘇 葱白 陳皮

○妊娠熱病必至損胎可服

○加減梔子五物湯 安胎清熱

○葛根 柴胡 香薷

石膏 葱白

麥冬 陳皮 知母 甘草

○妊娠熱病六七日後臟腑極熱薰蒸其胎致胎死

腹中既死則胎冷不能自出但服黑神散煖其胎

須臾即出何以知其胎死看產母舌青黑及胎冷

者是也

○加減黑神散

生地 赤芍 桂心 歸梢

蒲黃 鹿角屑 紅花 白芷

朴硝 黑荳 附米 益母草

又方用巴豆三粒草麻子麝香貼臍中

○妊娠瘧疾熱極則損胎可服

○驅邪散

香薷 青皮 柴胡 黃芩

川芎 前胡 砂仁 藿香

白朮 烏梅 紅棗 人參



○妊娠霍亂乃除陽清濁相干甚則傷胎可服

○加減白朮散

香薷 陳皮 厚朴 蒼朮

○藥不烏藥 砂仁 藿香 乾薑

○藥效竹茹 木瓜 人參 白朮

○藥效茯苓 甘草 猪苓 澤瀉

如心胸煩悶加炒黃連升麻

○妊娠泄瀉冷熱不同乃飲食不節暑濕相乘可服

○人參白朮散

平胃 澤瀉 猪苓

歸身 砂仁 肉果 木香

香薷 夏月可用

○妊娠下痢赤白可服

○加減阿膠散

當歸 川芎 白芍 阿膠

黃芩 黃連 香薷 陳皮

○藥效枳殼 甘草 白朮 澤瀉

如血痢加地榆白痢加艾葉木香痢久虛人加

參朮黃芪

○妊娠十月形體成就八月合進瘦胎易產之藥今



醫多用枳殼散若胞氣肥實可服之况枳殼大腹  
皮瘦胎胎氣本性豈宜又瘦之若進無憂散達生  
散安胎益氣令子繫小無病亦不亦實又或入散

○保生無憂散 滑胎

當歸 川芎 白芍 人參

白朮 甘草 陳皮 神麩

○收麥芽 紫蘇 訶子 枳殼

○達生散 孕至八九箇月服數貼甚好易產腹少

痛

當歸 白芍 白朮 各一人參

陳皮 紫蘇 甘草 大腹皮 洗 錢

右剉一服葱五根煎服

如胎肥氣喘加枳殼八分黃楊腦七箇二味瘦胎要藥

夏加黃芩春加川芎冬加砂仁○氣虛加參朮

○氣實倍香附陳皮○血虛倍當歸加熟地○

性急多怒加柴胡○有熱加黃芩○食少加砂

仁神麩○渴加麥門冬○食易饑多加黃楊腦

○有痰加半夏黃芩○腹痛加木香

○妊娠鬼胎狀如懷妊腹內如包一窠如下血或腸

水物可服



○斬鬼丹

吳茱萸 川烏 秦艽 柴胡

白僵蠶

右為末煉蜜為丸如梧桐子大酒送下打出惡物即愈

產育

脈欲產之婦脈離經離經者離乎經常之謂也非難

經所謂一呼三至之比脈雖離經而腰不痛者未產也若腹連腰痛甚者即欲產也診其尺脈轉急如切繩轉珠者即產生之脈也

證

臨產之初宜先脫平常所穿之衣以籠竈頭及竈

口則易產切不可喧鬧宜選一善熟穩婆及得力家人無使揮霍張皇致令產婦驚恐惟當食軟飯稀粥之類若腹中痛且令扶行或痛或止名曰弄痛不可使試水手探亦不可屈腰眠臥如連腰引痛眼中如見火光此是兒轉又須扶策徐徐行起若艱難即凭物立須與直至腰腹相引頻頻陣痛難以行立然後坐草切勿太早恐兒在腹中難以轉側及胞漿先破子道乾澀皆至難產若心中熱悶可用生雞子一枚打破吞服抱腰之人不得傾



斜則兒順自然產若臨事惶惶用力失宜遂有難  
產之恙是故有逆產者則先露足有橫生者則先  
露手坐產者則先露臂此皆用為太早之過夫當  
臍腹疼痛之初兒身纔轉而未順用力一逼遂至  
橫逆若手足先露者用細針刺兒手足心一二分  
深三四刺之以鹽塗其上輕輕送入兒得其痛驚  
轉一縮即順生矣或兒脚先下者謂之踏蓮花生  
急以鹽塗兒脚底又可急搔之併以鹽擦母腹上  
則正生矣若產訖先飲童子小便一盞或入酒少  
許同服勿便睡且令閉目而坐頃之方可扶上床

仰臥立膝勿令伸足熟睡宜頻喚醒亦不可以得  
勇為喜喜則傷心恐生紅汗之證亦不可以得女  
為憂恐致敗血傷心之患宜常淬醋烟以防暈悶  
遂巡少進白粥毋令過飽其有破水之後經日而  
不產者即當隨證細辨身重體熱作寒面黑舌青  
及舌上冷子母俱死面赤舌青母活子死面青舌  
赤口沫出者母死子活唇白俱青吐沫母子俱死  
倉卒之間不可不詳細審視預與病家言之若胞  
衣不下者停待少久非惟便產母疲倦是血流入  
胞中為血所脹上冲心胸喘急疼痛必至危殆宜



按此方催  
生聖藥如  
產月未足  
又能安之

急斷臍帶以物墜住尤宜用意拴縛然後截斷不  
爾則胞上掩心而死須臾其血不潮入胞中則胞  
衣自當痿縮而下縱淹延數日亦不致害人惟欲  
產母心懷舒暢則自下矣不可妄用手法因此致  
殂五七日不可強力下床或憂慮用性一月之內  
或傷於房事以致變生證候類皆難治最宜謹慎  
外此有外感內傷及諸雜證與男子等但當加理  
血藥為助臨治之際宜以意消息之而參用焉  
方黃金散 秘方 治生產一二日難分娩者服之如神  
因屢驗不敢自私廣以濟人人得之者亦弗自

私庶施者愈廣矣

真金箔大者五片小者七片以小磁鍾將水少  
許去紙入金在內用指研勻後再添水至半鍾  
一面先令一人扶產婦虛坐又令一婦人用兩  
手將大指按定產母兩肩上方井穴前藥溫服  
其胎即下如產月未足又能安之

○濟生湯 治難產須一二日不產者宜服自然轉  
動降生

當歸 三錢 川芎 二錢 香附 一錢 枳殼 三錢  
蘇葉 八分 大腹皮 一錢 薑汁洗 甘草 七分



此方治  
血順氣平  
和之劑

加白芷 一錢

右剉一劑水煎腰痛甚服之即產

○自生飲 雲林製 治臨產生育艱難

當歸 三錢 川芎 二錢 枳殼 炒二錢 益母草 一錢

白芷 六分 火麻仁 炒去殼 一錢

右剉一劑水煎空心溫服

○催生立應散 王栢泉傳 治難產及橫生逆產

車前子 一兩 當歸 一兩 冬葵子 三錢 牛膝 二錢

白芷 三錢 大腹皮 二錢 枳殼 二錢 川芎 二錢

白芍 一錢

右剉水煎熟入酒少許服之立產

○奪命丸 治婦人小產下血至多子死腹中其人

增寒手指唇口爪甲青黑面色黃黑或胎上搶

心則悶絕欲死冷汗自出喘滿不食或食毒物

或悞服草藥動胎氣下血不止胎尚未損服之

可安已損服之可下

桃仁 麩炒 赤芍 官桂 白茯苓

牡丹皮 各等分

右為末蜜丸彈子大每十九丸細嚼淡醋湯下速

進兩丸至胎腐爛腹中危甚立可取出



此法治  
難產屬熱  
者

○治難產瀝漿胞乾胎不得下用香油蜂蜜各一碗和勻入銅鍋內慢火煎一二沸掠去沫調白滑石末一兩重攪勻頓服外以油蜜於母腹臍上下摩之

○降生散 治臨產生育艱難痛陣尚疎二兩白不生或產母氣乏羨頓產道乾澀致令難產纔覺腹痛但破水後便可服此藥即生矣如死胎亦下若未經破水不宜服之

○本命蒼木 製二 枳殼 桔梗 陳皮 中其入  
木楊芍 白芷 川芎 當歸 各一錢

肉桂 乾薑 厚朴 半夏

茯苓 木香 杏仁 麻黃

甘草 各五分

右為末每服二錢順流水溫煖送下若覺熱悶密湯調或剉散薑棗順流水煎服其楊芍肉桂能開通子宮飲藥助氣關竅自通麻黃內通陽氣甚則血行即產矣冬月用之甚為的當隆暑之時恐難輕服但以五苓散用葵子燈心煎湯調下

○香桂散 治坐產澀滯心腹大痛死胎不能下者

古今醫鑑 卷十二 三



按此方治  
難產屬寒  
者

急用之

香白芷 三錢 肉桂 三錢 麝香 三分

右為末，章便酒調下，即產。

○催生丹 治生理不順，或橫或逆。

母丁香 一錢 另研 乳香 一錢 另研

麝香 一錢 另研 臘月兔腦 去皮膜 研如泥

右為末，以兔腦和為丸，如鷄頭實，大辰砂一錢

為衣，陰乾，油紙密封，每服一丸，溫水送下，即產。

男左女右手握，出其丸，神効藥用，磁罐盛黃蠟

封口。

○催生符式

**生**九夫大力魔軍速降，威靈攝天，**生**急急如律

令勅

右用硃砂研細，以新汲水濃調勻，將新筆蘸硃

砂於侵晨未食時，至誠念九夫大力魔軍速降

威靈攝天，生急急如律令，勅至生字，急急寫生字

却於生字下面一畫，下左邊，匝心想胎元被筆

推轉，令急急如律令，勅氣一筆推下，須是隨筆

一句，念令筆呪，俱盡候乾，剪下，摺作一丸，用黃

蠟丸之硃砂為衣，濃煎木香湯送下，待痛頻時



服乳香湯亦可

○如神丹 治難產兼胞衣不下及死胎

巴三草七脫衣裳 細研如泥入麝香

捏作餅兒臍下貼 須臾母子便分張

○灸法 治難產及胞衣不下

於右腳小指尖頭上即至陰穴灸之炷如小麥

大三五壯立產

○催生遇仙丹

硃砂半錢 雄黃一錢 蛇退一尺 草麻子十四粒

右為末粥糊為丸如彈子大臨產先用椒水洗

淨臍穴納藥一丸於臍中仍用油紙數重覆藥  
上封固軟帛拴繫立効

○脫衣散 治胞衣不下

牛膝 三錢 歸尾 二錢 木通 三錢 滑石 四錢

冬葵子 二錢 加枳殼 三錢

右剉水煎溫服

○有胞衣不下因產母元氣虛薄者用芎歸倍桂以

溫之自下

○一方 下死胎

平胃散一劑水酒各一碗煎下二沸入朴硝五



錢再煎傾出候溫服其胎化為水而下

○一方 治坐草三四日不下者即刻下

蜜香油好酒各一鍾三味合入煎產婦面東服

○一方 治橫逆不順子死腹中

伏龍肝為細末溫酒調服二三錢其兒帶土而

下

○一方 催生下胎

魚膠七寸麻油燈燒過為末酒調服

產後

脈產後扶虛消瘀血脉却宜虛叔和云新產之脈緩

滑吉實大弦急死來侵寸口焱疾不調死沉細附

證

夫婦人產後發熱有去血過多者有惡露不盡者

有傷飲食者有感風寒者有感胃夾食兼氣者有

三日蒸乳者俱能發熱增寒并身疼腹痛不可相

類而用藥也

治

產後去血過多發熱者脈必虛大無力內無痛者

此非有餘之熱也乃陰虛不足生熱用四物湯去

芍藥加參朮茯苓淡滲其熱若大熱不退加炒黑

乾薑神効乾薑辛熱能引血藥入血分生新血引



氣藥入氣分補氣或只用芎歸調血飲尤妙凡有傷力發熱早起勞動發熱者皆同此治法也

一產後惡露不盡亦有發熱惡寒必脇肋脹滿連大小腹有塊作痛名兒枕痛產後腹痛血瘀宜四物湯加五靈脂牡丹皮桃仁紅花玄胡索香附青皮乾薑官桂酒水各一鍾黑豆一撮後磨木香入童便薑汁服取下惡物為効或用黑神散尤妙後以八物湯加乾薑陳皮少佐童便炒香附調理

一產後脾胃虛弱飲食少難尅化以致停滯發熱必有噫氣作酸惡聞食臭而口中無味胸膈飽悶氣

口脉必緊盛發熱惡寒頭痛必用治中湯加神麴  
 山查砂仁炒黃連川芎當歸佐之或用理脾散更効

一產後榮衛俱虛腠理不密若冒風發熱者其脉浮而微或自汗以芎芷香蘇散加羌活防風主之  
 如感寒者脉弦而緊或惡露欠通以五積散主之  
 ○如風寒兩感者脉浮而緊以五積交加散主之  
 有汗去麻黃邪勝去人參  
 一產後內傷飲食而外感風寒或兼氣惱而發熱者人迎氣口脉俱緊盛以行氣香蘇散主之



一產後蒸乳發熱惡寒者必乳間脹硬疼痛令產母揉乳汁通其熱自除不藥而愈

一產後血暈者其由有三有用心使力過多而暈者有下血多而暈者有下血少而暈者其暈雖同其治特異若下血多而暈者當補血以芎歸湯為主或惡露不止者倍炒黑乾薑止之若去血少而暈者奪命散主之但凡血暈不省人事用大火炭置產母傍以醋沃之使醋氣薰入病人口鼻輕者立甦重者亦省人事矣

凡新產之後宜以五積散祛除敗血補生新血調

和榮衛滋養臟腑使陰陽不相勝負邪氣不能相干則無寒熱之患又治新產氣虛或外感寒邪頭疼身痛發熱惡寒或但發熱者並用米醋少許同煎本方去麻黃熱甚加黃芩

一產後中風口噤乃血虛而風入於頰口筋得風則急故口噤也若角弓反張乃體虛而風入於諸陽之經故獨腰背攣急如角弓反張之狀也四物湯加秦光羌活又宜荆芥畧炒為末每服二錢黑豆淋酒調下童便亦可又方用當歸荆芥各等分水一盞酒少許煎七分灌之如口噤用匙斡開微微



灌下但下咽即効

一產後發熱惡寒或口眼喎斜等證皆是血虛之甚  
 急宜大補氣血為主若左手脉不足補血藥多於  
 補氣藥右手脉不足補氣藥多於補血藥  
 一產後失聲言不出者心肺二竅被血所侵又感風  
 邪客於會厭故也茯苓補心湯去陳皮枳殼川芎  
 加升麻防風薄荷赤芍當歸生地紅花黃連膽星  
 生薑煎服  
 一產後不語因敗血迷心竅所致宜四物湯加辰砂  
 石膏蒲紅花人參

一產後血塊築痛蓋因坐草近地為冷濕乘之風邪  
 干之使敗血瘀凝為血塊冲築硬痛不換金正氣  
 散加辣桂川芎白芷莪朮乾薑同煎乘熱入醋連  
 進兩服冷濕風邪一散其塊自消其瘀從大便而  
 出  
 一產後因子死經斷不行半載矣一日小腹忽痛陰  
 戶內有物如石硬塞之而痛不禁此乃石痕也四  
 物加桃仁大黃檳榔三稜玄胡索澤瀉血竭水煎  
 服  
 一產後血虛發熱咳嗽吐痰喘滿心荒口乾宜用茯



一 苓補心湯加麥門冬五味子煎服  
 一 產後子宮不閉補中益氣湯加白芍醋炒香附半  
 夏酒炒黃芩熱不退加酒柏一方用石灰煎湯  
 薰一方用荆芥藿香臭椿皮煎湯薰洗

**方** 芎歸調血飲 西園公方 治產後一切諸病氣血虛  
 損脾胃怯弱或惡露不行或去血過多或飲食  
 失節或怒氣相冲以致發熱惡寒自汗口乾心  
 煩喘急心腹疼痛脇肋脹滿頭暈眼花耳鳴口  
 噤不語昏憤等證  
 當歸 川芎 白朮 白茯苓

熟地 陳皮 香附童便炒 烏藥

乾薑炒黑 益母草 甘草 牡丹皮

右剉薑棗煎服○如惡露不行倍益母草丹皮  
 加童便黃酒同服○如去血過多倍芎歸乾薑  
 ○如飲食停滯胸膈飽悶加枳實厚朴山查砂  
 仁○如因氣惱倍香附烏藥○如口噤昏憤不  
 語加荆芥○如兩脇痛加青皮肉桂○如小腹  
 陣痛加玄胡索桃仁紅花蘇木甚者加三稜莪  
 朮○如有汗加黃芪○如口乾苦加麥門冬○  
 凡產後即用童便和熱酒隨意飲之百病不生



按此方治  
產後之總  
可也

按此方治  
產後敗血  
致諸疾者

○益母湯

魏憲副傳

治產後惡露不盡攻冲心腹或

作眩暈或寒熱交攻

益母草剉一大劑煎去渣入黃酒童便各一盞

丸產後即用此加芎歸各二錢進二服以免腹

痛血暈之患大有補益去舊生新

○黑神散

劉太府傳

治產後敗血致諸疾者

當歸

熟地

白芍

肉桂

去皮各一兩

甘草

炙黃一兩

沉香

櫻灰

燒存性

蒲黃

炒黑色

沒藥

各一錢

乳香

三錢

赤芍

一錢

血竭

五分

右爲細末每服二錢空心無灰好酒調下此方

可代奪命散

一將產血多兒食不盡餘血裹胎難產服此棄

字救母

一臨產用力太早兒不及轉橫生倒出亦當急

救母命服此方

一子死腹中母必肢體冷痛口角出沫指申青

黑服此即出

一產後胎衣不下

一血暈眼花起坐不得

一血迷心竅不能言語



一敗血乘虛散流四肢浮腫  
 一敗血為害口渴舌燥乍寒乍熱似瘧  
 一月中飲冷敗血凝聚腹痛難忍或致瀉痢  
 一敗血入心煩躁發狂言語錯亂或見鬼神如  
 癩  
 一敗血停留肢節間遍身疼痛  
 一敗血流入小腸小便出血  
 一敗血結聚小便閉澀大便艱難  
 一惡露未盡失而不治又過酸鹹收斂之物因而得崩漏

○一肺敗鼻中氣黑

一敗血冲心喉中氣急發喘

一敗血滯脾胃中心腹脹滿嘔吐似翻胃

○更生散 雲林製 治產後去血過多或不止或眩暈

眼暗口噤發熱增寒

人參 一兩 當歸 一兩 川芎 五錢 荆芥穗 三錢

乾薑 炒黑 三錢 熟地 薑汁炒 一兩

右剉水煎空心服如血大下不止用龍骨火煨  
 赤石脂火煨各等分為末每二錢用前藥調服  
 外以五倍子末津調納臍中即止



按此方治  
產後去血  
過多者

○抽薪散

劉太府傳

治產後血虛發熱

熟地

四錢

當歸

四錢

乾薑

右剉一劑水煎服

○起枕散

賈蘭峰傳

治產後心腹痛惡血不行或見

枕作痛甚危

當歸

三錢

白芍

三錢

酒炒川芎

官桂

蒲黃

牡丹皮

玄胡索

五靈脂

沒藥

各一錢

右剉一劑水煎入童便空心服

○通瘀飲

胡雲閣傳

治產後惡露不通心荒昏沉寒

按此方治  
產後惡露  
不行者

熱交攻

歸尾

三錢

大黃

三錢

白朮

一錢

木通

紅花

五分

右水一碗黃酒一小盞煎三滾用桃仁三十個

搗爛再煎三滾去渣溫服

○和痛湯

治小產心腹痛

當歸

川芎

白芍

酒炒

熟地

玄胡索

香附

五分

青皮

炒五分

桃仁

紅花

三分

澤瀉

五分

右剉一劑水一鍾童便黃酒各半鍾煎至一鍾

按此方治  
產後心腹  
痛者



古今醫鑑 卷十二 溫服

○奪命丹 秘方 治產後胞衣不下者因血流入衣中為血所脹是以不下止神心胸但去衣血自下

附子 五錢炮 去皮尖 丹皮 去骨 二兩 乾漆 炒令烟 盡一兩

○味前 大黃 一兩 右為末米醋一升熬成膏和丸如桐子大每服五六丸溫湯下

○清血散 崑山鄭氏方 治產後血暈者由敗血流入肺經頭眩目眩昏悶不省血暈者有用力過多血暈者有下血過多血暈者有小產去血大

○過血暈者俱可服之

澤蘭葉 荆芥 各一錢 川芎 八分 人參 五分

甘草 三分 陳皮 七分 香附 醋炒 七分 白芷 五分

益母草 錢一 當歸 八分 生地 八分 丹皮 五分

紅花 三分 蒲黃 炒黑 七分

右剉一劑水一鍾半煎至七分濾去渣入童便半鍾溫服

○加減磁石散 崑山鄭氏秘方

治產後子宮不收者各瘕疾皆用力過度有痛不可忍服之

古今醫鑑 卷十二



不磁石 歸尾 白芷 蛇床子

赤芍藥 丹皮 髮灰 荊芥穗

○抵熱川芎 生地 陳皮 甘草

七白後去白芷赤芍歸梢加熟地當歸白芍人參黃芪右水煎空心服外用

○熏洗方

椿皮 荊芥 五倍子 蛇床子

葱白頭 朴硝 藿香

右各等分同煎洗過將鐵銹釘磨水塗上即收

○理脾湯

治產後停食胸膈飽悶身發寒熱不思

飲食

蒼朮 米泔炒 陳皮 各一錢 厚朴 薑炒 砂仁 七分

神麴 炒一錢 山查 去核一錢 麥芽 炒一錢 乾薑 炒八分

甘草 炙三分

右剉一劑生薑三片煎服○泄瀉加白朮茯苓

○大便閉加桃仁紅花○小便閉澀加大腹皮

○加味理中丸 治脾胃虛憊飲食不進嘔吐泄瀉

心腹疼痛體虛有汗胎前產後俱宜服之

人參 白朮 土炒 乾薑 湯泡 神麴 炒各

麥芽 炒 砂仁 炒各 陳皮 去白 香附 醋炒

按此方治產後食傷者



甘草 錢

右為末，神麩打糊為丸，如梧桐子大，每服八十丸，空心米湯送下。

○推氣養血丸 雲林製

治產後右脇膨脹，有塊如豎弦一條，着冷便疼。

當歸 酒洗 川芎 白芍 酒炒 白朮 土炒

陳皮 炒 枳實 麵炒 厚朴 薑汁炒 青皮 香油炒

烏藥 神麩 炒 乾薑 炒 黑 白芥子 炒 各

香附 四兩 便製 麥芽 炒 肉桂 各六錢 三稜 醋炒 八錢

莪朮 醋炒 木香 二錢

右為細末，酒糊為丸，如梧桐子大，每服百丸，空心米湯送下。

○養血佐肝丸 雲林製

治產後左脇脹悶，一塊臥不敢着床。

○當歸 酒洗 南芎 白芍 酒炒 陳皮 去白

半夏 香油炒 白朮 去蘆 神麩 炒 青皮 香油炒

萊菔子 炒 牡丹皮 酒洗 紅花 各一兩 香附 二兩 醋

桃仁 去皮 尖 柴胡 各八錢 白茯苓 一兩 龍膽草 酒洗 六錢

三稜 莪朮 各醋炒 五錢

右為細末，酒糊為丸，如梧桐子大，每服百丸，自

按此方治產後積塊



湯送下

○增損柴胡湯 治產後虛弱寒熱如瘧食少腹脹

柴胡 人參 甘草 半夏 炒

陳皮 川芎 白芍 炒各等分 香附 二兩

右每服五錢水薑棗同煎日二服

○加減養臟湯 治產後下痢赤白裏急後重

木香 黃連 厚朴 甘草

歸尾 赤芍 川芎 艾葉

蒲黃

七白後去蒲黃歸梢加茯苓歸身枳殼○如久

痢脫肛加肉苳蔻地榆人參阿膠白朮○噤口

不食加山藥石連肉陳倉米○胃寒嘔噦腹痛

甚者去黃連加乾薑

○灸法

治婦人雞爪風因月家得此不時舉發手足攣

束如雞爪狀疼痛難伸

於左右膝骨兩傍各有一小窩共四穴俗謂之

鬼眼各灸三壯即愈

乳病

證婦人乳汁不通有二種有血氣壅盛乳脉澀而不



行者有血氣虛弱乳脉絕少者夫虛者補之以益  
 乳粉猪蹄鯽魚之類盛者行之用通草漏蘆之類  
 乳硬者多因乳母不知調養所致蓋乳房陽明之經  
 乳頭厥陰所屬忿怒所逆鬱悶所遏厚味所釀以  
 成厥陰之氣不行故竅閉而汁不通陽明之血沸  
 騰故熱甚而化為膿或因所乳之子膈有滯痰含  
 乳而睡口氣炊熱所致而成結核初便怒疼揉令  
 核軟吮冷汁透則散否則結成矣

**治** 治以青皮疎厥陰之滯石膏清陽明之熱生甘草  
 行汚濁之血瓜蒞子消導腫毒或加沒藥青橘葉

皂角刺金銀花當歸尾或散或湯須以少酒佐之  
 若加艾火三壯於痛處灸之尤妙華元化灸三里  
 穴三壯甚妙

乳巖始有核腫如碁子之大不痛不痒五七年方成  
 瘡初便宜多服疎氣行血之藥須情思如意則可  
 愈如成瘡之後則如巖穴之凹或如人口有唇赤  
 汁膿水浸淫胸脇氣攻疼痛用五灰膏去其蠹肉  
 生新血漸漸收斂此疾多生於憂鬱積忿中年婦  
 人未破者尚可治成瘡者終不治宜服十六味流  
 氣飲



方

通乳湯

治產後氣血不足經血衰弱乳汁澀

猪蹄

下節四隻

通草

二兩

川芎

一兩

穿山甲

十四片

甘草

一錢

右用水五升煮汁飲之忌生冷避風寒夜臥不

宜宜失蓋更以葱湯頻洗乳房

○玉露飲

治產後乳脉不行身體壯熱疼痛頭目

昏痛此涼膈壓熱下乳之劑也

當歸

一錢五分

川芎

五錢

白芍

一錢五分

白芷

五錢

白朮

一錢五分

桔梗

炒五分

甘草

二錢

甘草

五分

甘草

五分

右剉水煎服○如煩熱甚大便結加大黃一錢二分

金銀花

二錢

乳脉不行結成癰腫疼痛加黃芪

當歸金銀花甘草

各二錢

入酒半鍾食後溫服

○胡桃散

治婦人少乳乳汁不行

○用胡桃仁

去皮十箇搗爛入穿山甲炒末一錢

黃酒調服

○通草湯

治乳汁不通

通草

七分

瞿麥

柴胡

天花粉各一錢

桔梗

二錢

木通

青皮

香白芷

赤芍

連翹

甘草

各五分

右剉一劑水煎細飲更摩乳房



○連翹飲子 薛立齋傳 治乳內結核

連翹 川芎

瓜蒌仁 研 皂角刺 炒

橘葉 青皮 去白

甘草節 桃仁 各一錢半

右水煎食遠服

○最効散 劉栢亭傳 治婦人吹乳神効

螃蠏去足用蓋燒存性為末每服二錢黃酒下

○熨法膏 秘方 治吹乳乳癰登時立消

葱連根搗爛鋪乳患處上用瓦罐盛灰火蓋葱

上一時蒸熟出汗即愈

○一方 劉前溪傳 治吹乳腫痛不可忍

按此方治吹乳乳癰之劑

用生山藥搗爛敷上即消消即去之遲則肉腐

○消毒飲 ○治吹乳乳癰增寒壯熱頭痛者先服

參敗毒一二劑方可服此藥如無前證即服本

方二三劑或腫不消宜服托裏藥

當歸 白芷 青皮 炒 天花粉

貝母 柴胡 殭蠶 炒 金銀花 各三錢

右剉一劑水煎服

○神効瓜蒌散 薛立齋傳 治乳癰初起腫痛及一切

癰疽或膿出後餘毒亦宜用之

黃瓜蒌 一箇用子多者 當歸 半兩 生甘草 生



沒藥一錢 另研 乳香一錢 另研

右酒水各一鍾煎至八分食後服

○十六味流氣飲 治乳巖及瘰癧後餘毒作癰腫

當歸 川芎 白芍 黃芪

人參 官桂 厚朴 桔梗

枳殼 烏藥 木香 檳榔

白芷 防風 紫蘇 甘草

右剉各等分水煎服○如乳癰加青皮尤妙

王宇泰先生訂補古今醫鑑卷之十二

終



